


www.BibleForChildren.org

Metiu 26



Iwon e biing
famu na Ngasa na
Liuliu Kulef ken fan
Iudaia, Iesu ka tapiek
na Beteni na maleh ke
Lasarus, ier ae Iesu i
fapti fafis ta u tina
minet. Ke Maria ka kep
nenge sanda ae ri foteng
u ini nat ma i fen kanaka e mata.
Sanda ae, ifasi aragii ituul e mar e
grem. Ka to u na iun keke Iesu ke ka
salis u ini olo. Ma rokap na sanan sanda
ae ka kuruung tikii palgan fel ae.



Iudas Iskariot neng lon nenge sangful
ini u e kalalik na fafausum, ka la usuf
foron laulaumet na pris isi in ta
ufu Iesu una limri. Aunbiing ri
ongen u arae, ri ka lala laes
ke ri ka falimlim le rin suat
u tom. Ke Iudas ka types
im isi ti aunbiing
rokap isi ik ta ufu
Iesu una limri.



Ke berberat na fafausum ri ka tel
u tom arae Iesu i patrai ta ri ke
ri ka fageges inen na Liuliu Kulef.
Aunbiing ri ienien la, Iesu ka kep
beret, ka fotrokap lo usuf God,
ka simsibik u ke ka fen berberat
na fafausum kia ini, ma ka tarah,
"Pununfong igii, gam kep u
ke gamek ien u."



Namih, ka kep kap na wain, ka
fotrokap lo usuf God ke ka ta u
usuf ri ma ka tarah, "Gam tikii
gam yin lo. Igii e daung ae i
fasuut puput ke God. I ring
una tel ufu sinang laulau
ken fanu fuun."




Ke Iesu ka tarah, "Saimon, Saimon! Par u, Satan ka sising ta isi in tof gam arae kaltu ae i simke ufu piin tina wit. Isau le ia ka sising ta isi wo Saimon, isi unune kiam gong i luut. Ma aunbiing o ka sokiliis ta liu kiam, ke ok farakrakai foron tuamlik." Pita ka kiliis u aragii, "Kumguui, ia geges isi ian la turam una kamkabet ke isi met turam." Ke Iesu ka tara sing i aragii, "Pita, ia fas o, agii, aunbiing to biil biitom in teng, ke fatuul ok fakawe le biil o usum lo iau."



Namih, Iesu turan
berberat na fafausum
kia ri ka tapiek na
falifu ae ri foteng
u ini Getsemani ke ka
fas ri aragii, "Gamen kiis
sau aga ma iak la bii isi
sising." Ka sising aragii,
"Aba, Tata, o fasi on tel
foron tier tikii, tel ufu
kap igii koseng iau. Isau
le gong o mi lo arae na
wolwol kiak, mi tom lo
arae na wolwol kiam."



Pesu, Iudas ka lame foron tom fapaket turan fale
tom parpar kale Felun Tunmapek ae foron
laulaumet na pris turan foron Farasi ri
wuun ta ri ma ri ka la una falifu ae. Ri
kep foron lam, foron tier una bul
ke foron tier una fapaket.
Ke neng lo ri ka ting nenge
fafauun ken famfamu ken
foron pris, i kasim ufu
balbalu na mia. Isau le
Iesu ka tara singri aragii,
"Gong!" Ka sigil balbalun
kaltu ae, ke ka rokap fis.



Ke ri ka luse Iesu ma ri ka lame ufu una fel ken
famfamu ken foron pris. Pita i mimi susu la tom.
Ri map ta nenge yiif na
palgan ubiif kale fel ae
ke ri ka kiis kawil u.
Pita sabin i kiis tura ri.



Nenge fafauun ken
famfamu ken foron
pris ma i sikinting lon
kaltu ae Pita i kasim
ufu ta balbalu, ka tara
sing i aragii, "O sangan
ia par ta wo tura Iesu
na porpor olif, bikiih?"
Pita ka fakawe sabin. Ke
fanpil nenge to ka teng.
Ke Pita ka suu tinaiwa,
ke ka sikpes tineng.





Ke foron famfamu tikii ae ri ka
aptih ke ri ka lame Iesu usuf
Pailat. Pailat ka diik u aragii,
"Be, o king ken fan Iudaia?"
Ka kiliis u aragii, "Arae
tom o use u." Pailat ka
ier isi sok ufu Iesu,
pesu ka faorek ri sabin.
Isau le, ri tongon perek
tom aragii, "Fakulkulik

u na aupaket! Fakulkulik
u na aupaket!"




Ke Pailat ka ta ufu Iesu mang na limri,
isi rik fakulkulik u na aupaket. Ke foron
tom fapaket ri ka lame ufu Iesu. Iesu
ka kusep aupaket kia tom ma ka la
tinaiwa una falifu ae ri foteng u ini
salan Tuan Paklun Kaltu. Na orek
Ibru ri foteng u ini Golgota.



Aiwa ri ka fakulkulik Iesu turan iwu e
kaltu na iun baba ma Iesu na fatpoto.



Ifasi aragii sangful ini u e aunbiing na siat, falifu tikii
ka kubunor, papang na ituul e aunbiing na efef, wara
le pisihi biil i to popos. Tara kaen na palgan Felun
Tunmapek ka tamsih na fatpoto
una iwu e danga. Ke Iesu ka
lala ngangeh aragii, "Tata,
ia luun tanwang na limam."
Aunbiing ka use ta u arae,
ke ka fut paket mangia.



Biing ae, i e biingen geges wara
le i biing famu na Biingen
Mangeh. Josep tina Arimatia,
i neng lon foron famfamu
ken fan Iudaia ae ri
bulat la lo, ma i nene
la isimatanfuntih
ke God.

I kep balamas ma
ka la usuf Pailat na
efef aunbiing pisiih
biil biitom i sup ke
ka sising u isi
pununfo Iesu.




Josep ka fiil nenge rokap na kaen,
ka fapu pununfo Iesu ke ka afit
u ini. Namih, ka fakau u na
matanfata una luun minet
ae ri tuung ta u na balan
fat, ke ka fabulbulis
nenge tara fat
una babat kale
matanfata ae.



Na biing namih, i e Biingen Mangeh,
foron laulaumet na pris turan
foron Farasi ri ka la
turim unaisa Pailat
ke ri ka fas u aragii,
"Ier, keme ka wolpes
nenge orek ken tom
gargaranmet ae i
use ta u aunbiing
i liu



biitom."



"I use ta u le nami na in tuul e biing
in apti fis sabin. Ke ri ka la ma
ri ka babat rakrakai na
matanfats ae. Ke ri ka
luun nenge fakileng lo.
Ri ka fas foron tom
fapaket isi rin
parpar kale na
matanfats ae."



Nami na Biingen Mangeh, na
biingbiing saksak na biing
famu na wik, Maria
Makdalin ru e nenge
Maria sabin ru ka la
isi par matanfai una
luun minet ae.



Nenge tara gih ka tapiek, wara
le nenge angelo ke Kumguui i
pu tinbae na kukulii ke ka
fabulbulis ufu fat tinawii
na matanfatae ma ka
kiis ta mang na olon
fat ae. Foron tom
fapaket ae

ri parpar kale
matanfatae, ri ka
soke u, ri ka
nananar ma ri ka
met pelpel.



Isau le angelo ae ka fas iun fifin
ae aragii, "Gong kamu sokeh,
ia usum le kamu im isi Iesu
ae ri fakulkulik ta u na
aupaket. Mangmangal
mang aga, ka apti
fis tah, arae tom
i use ta u.



Kamu la ma kamuk
par falifu ae i
borong ta lo."



Ke ru ka fis sape tina matanfat ae. Ru sokeh, isau le ru fuun ini laes. Ru ka filau isi fas berberat na fafausum kia. Fanpil Iesu ka tafe ruh ke ka faorek pes ru aragii, "Biingbiing mang." Ru ka la usuf i, ru ka pose na iun keke ke ru ka lotu unaisa.





Namih, Iesu ka tapiek sing nenge sangful ini tikii e kalalik na fafausum kia aunbiing ri ienien la. Ka balkut lo ri, wara le biil ti unune kiri, ma balri i sorokai kanaka isi unune na orek ken fanu ae ri ka par ta u nami na apaptifis kia. Aunbiing Kumguui Iesu ka fas ta ri ini foron tier igii, ke God ka kep u ubase na kukulii ma ka kiis na mia God.



Wara le, God i ier kanaka isi fanu
tikii na piklinbat, pesu, ka ta ufu
itikii sau e Kalalik kia, isi se ae i
unune lo, biil in to fiu, biil.
In fot u e liu fitliu.



Rom 3:23

Wara le fanu tikii ri ka tel ta sinang laulau, ma ri pongpong isi memeh ke God.

Rom 6:23

Wara le fifiil na sinang laulau, e minet sau. Isau le fafen foes ke God, e liu fitliu lo Karisito Iesu, Kumguui kirer.

Ibru 9:27

Fanu tikii fatikii sau rin met, ke nami rik ti na nagogon na mata God.

Efes 2:8,9

God ka faliu ta gam aunbiing gam unune, i wara sau na famais kia. Biil na rakrakai kimi tom, biil. I arae fafen ke God unaismi. Biil i faliu gam wara na ti rokap na foim ae gam tel ta u, biil. Pesu, biil tikas ifasi in got ini.



Rom 10:9,10

Male o fapos u ini ngusum le, Iesu i e Kumguui, ke o ka unune na balam le God i fapti fafis ta u tina minet, ke God in faliu wo. Ma i wara na unune kiam na balam, ke God ik foteng wo le, o tom tortores. Ke i wara na fafapos kiam ini ngusum, ke ik faliu wo.

Jon 3:16,17

Wara le, God i ier kanaka isi fanu tikii na piklinbat, pesu, ka ta ufu itikii sau e Kalalik kia, isi se ae i unune lo, biil in to fiu, biil. In fot u e liu fitliu. God biil i to wuun ta ke Kalalik uga na piklinbat isi in nagogon fanu, biil.
I wuun ufu isi faliu ri.



1 Jon 5:11-13

Ma igii e fafamalal ae: God i ta ta liu fitliu usuf kerer
ma liu igii ae sing ke Kalalik. Se ae Kalalik ke
God i kiis na liu kia, i fot u e liu. Ma se ae Kalalik ke
God biil i kiis na liu kia, biil i kep liu. Ia siit foron tier
igii usuf gam ae gam unune na asan Kalalik ke God, isi
gamek usum le gam ka fot ta u e liu fitliu.



Metiu 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Fanamaket Bible (bjp) © 2015, 2021 Wycliffe Bible
Translators, Inc. All rights reserved

<https://www.bible.com/bible/1427/MAT.1>

©2026 Bible for Children, Inc.

www.M1914.org

www.bibleforchildren.org

